

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaattut siunnersuut

(Ineqarnermut, Attaveqarnermut Angallannernullu Naalakkersuisoq)

**Akissuteqaat
Aappassaanneerpeqarnera**

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisissaatut siunnersuummik suliaqarneranut Ataatsimiititaliaq qutsavigaara.

Ataatsimiititaliap suliaqarneranut atatillugu isumaliutissiissummut ersarissaataasunik oqaaseqassaanga.

Kommunit ikuallattoornissamut annaassiniarnissamullu atortuinut piunasaqaatit minnerpaaffilerneqarnissaannut tunngatillugu oqaatigissavara, maannakkorpiaq tamanna pillugu maleruagassanik aalajangersaasoqarsimanngimmat, kisiannili inatsisissatut siunnersuut malillugu upalungaarsimanagerup annertussusilerneqarnissaanut maleruagassanik aalajangersaanissaq ajornarunnaartussaammat. Ataatsimiititaliap oqaaseqaatai tunngavigalugit tamatumunnga piginnaatitaanermut aalajangersagaq Naalakkersuisut atorluarniarpaat, aammalu upalungaarsimanagerup annertussusilerneqarnissaanut maleruagassanik aalajangersaaniallutik. Maleruagassalli taakku aatsaat kommunit qanittumik suleqatigalugit, aammalu kommunit naliliinerat tunngavigalugit suliarineqarsinnaapput, kommunit illoqarfinni, nunaqarfinni kommuninilu ataasiakkaani pisariaqartitsineq annertussusilertussaammassuk annertussusilersinnaallugulu.

Taamaalilluni ataatsimiititaliap oqaaseqaatai inassuteqaataalu Naalakkersuisunit tusaatissatut tiguneqarput.

Taamatut oqaaseqarlunga siunnersuut Inatsisartuni kajumittumik suliarineqartussanngorlugu tunniuppara.